



Сыр бойы

№29
(20502)



Қызылорда облыстық қоғамдық-саяси газет • 1929 жылдың 1 шілдесінен шығады

23 ақпан, бейсенбі 2023 жыл

e-mail: syrboiy@yandex.kz / www.syrboiy.kz

www.facebook.com/syrboiy.kz/

www.instagram.com/syrboiy_kz

https://twitter.com/syrboiy

t.me/syrboiy_kz

ПРЕЗИДЕНТ



ҰЛТТЫҚ ҚҰРЫЛТАЙ МҮШЕСІН ҚАБЫЛДАДЫ

Мемлекет басшысы Қасым-Жомарт Тоқаев Қазақстан Республикасы Президентінің жанындағы Ұлттық құрылтайдың мүшесі, «Қолданбалы этносаяси зерттеулер институтының» директоры Талғат Қалиевті қабылдады.

Ұлттық құрылтай мүшесі Президентке елімізде жүргізіліп жатқан реформалар аясында ұлттық бірегейлікті дамытуға қатысты ұсыныстарын жеткізді. Сонымен қатар саясаттанушы зерттеу орталықтарының қоғамдағы рөлі, соның ішінде «Қолданбалы этносаяси зерттеулер институтының» атқарып жатқан жұмыстары туралы баяндалды.

ҮКІМЕТ ОТЫРЫСЫ

ҚР Премьер-министрі Әлихан Смайыловтың төрағалығымен өткен Үкімет отырысында көктемгі дала жұмыстарына дайындық және елді мекендерді газдандыру барысы талқыланды. Үкімет басшысы фитосанитариялық іс-шараларды, тыңайтқыш себүді ұйымдастыруды, онтүстік өңірлерде егістікті сумен қамтамасыз ету шараларын қабылдауды тапсырды.



ЖАУАПТЫ МАУСЫМ ЖАҚЫН

Егін алқаптарына әлеуметтік маңызы бар және жемшөп дақылдарының қажетті көлемін егу назардан тыс қалмауы керек. Күн тәртібіндегі екінші мәселе бойынша Премьер-министр еліміздің солтүстік және шығыс өңірлерін газдандыру мәселесі тез арада шешім табуы қажет екенін ескертті.

Селекторлық мәжілістен кейін облыс әкімі Нұрлыбек Нәлібаев Үкімет басшысының тапсырмаларын орындау мақсатында жиын өткізді. Биылға межелеген егін көлемін агротехникалық талаптарды сақтай отырып, мерзімінде егу керектігін баса айтты. Осыған орай, жауапты мекеме басшылары егінге егуге қажетті жанар-жағармай, тыңайтқыш, тұқым, қаржы көздерінің қолжетімділігі және су шаруашылығы нысандарының дайындығы жөнінде баяндалды.

Аймақ басшысы биыл да су тапшылығы орын алуы мүмкін екенін ескертіп, жоғарыдан келетін су көлемін тұрақты бақылауда ұстауды тапсырды. Мұнан бөлек, өткен жылы оң нәтиже берген тәжірибені қайталап, жергілікті тұрғындарға әлеуметтік маңызы бар азық-түлік, бақша өнімдерімен өз-өздерін қамтамасыз етуі және артылған өнімін сату үшін арнайы егістік жер дайындап беру қажеттігін ескертті.

Күн тәртібіндегі екінші мәселе бойынша тиісті мекеме басшылары облыс аумағындағы коммуналдық меншіктегі 39 газбен жабдықтау нысанын теңгерімге алу, газбен қамту қызметтері үшін тұрғындар қарызын өндіру және жеке тұрғын

үйлерді «көгілдір отынға» қосу барысын баяндалды.

Жиын қорытындысында аймақ басшысы қала, аудан әкімдеріне «ҚазТрансГаз Аймақ» Қызылорда өндірістік филиалымен бірлесіп, тұрғындардың табиғи газға қарызын азайту бойынша 2023 жылғы 1 сәуірге дейін нақты шара қабылдауды тапсырды. Ал бәсекелестікті қорғау және дамыту агенттігінің Қызылорда облысы бойынша департаментіне кәсіпкерлік және өнеркәсіп басқармасы, аудан, қала әкімдерімен бірлесіп, тұтынушыларды газға қосу жөніндегі қызметтерге ашық және әділ баға белгілеуді қамтамасыз ету міндеті жүктелді.

— 2023 жылға республикалық бюджеттен 15 газдандыру жобасына 7,5 млрд теңге бөлінді. Дегенмен, ағымдағы жылы республикалық бюджеттің бірінші нақтылауына Энергетика министрілігіне қосымша ұсынылған 16 млрд теңгеден асатын 12 жана жоба қолдау тапқан жоқ. Осы ретте, бюджет қаражатын тиімді пайдалану мақсатында Қызылорда қаласы мен аудан әкімдері жана газдандыру жобаларын облыс әкімінің сол салаға жауапты орынбасарымен келісіп, жұмыс жүргізісін. Алдағы уақытта табиғи газ желілерін салу мақсатында ұсынылған жобалар алдымен өткен жылы құрылған облыс аумағында жоспарланған құрылыс нысандарының жобаларын қарау жөніндегі кеңес отырысында жан-жақты қаралып, келісім алу қажет, — деп ескертті аймақ басшысы.

ТОЛҒАНДЫРАП ТАҚЫРЫП

ЗЕЙНЕТАҚЫ hәм ИНФЛЯЦИЯ: АЛШАҚТЫҚ НЕНІ АҢҒАРТАДЫ?



Еңбек және халықты әлеуметтік қорғау министрлігі ақпаннан бастап зейнетақының орташа мөлшері 120 659 теңгені құрағанын мәлімдеді. Бұл өткен аймен салыстырғанда 11 898 теңгеге артық. Дегенмен, зейнетақы мәселесінде түйткіл де аз емес.

Sp Биболат СӘТЖАН, «Сыр бойы»

Айталық, былтыр елімізде бір жыл ішінде орташа зейнетақы мөлшері небәрі 3470 теңгеге немесе 3,3%-ға өскенімен, жылдық инфляция 20,3%-ды құраған еді. Оған қоса, 2022 жылдың қорытындысы бойынша Ұлттық банктің сенімгерлік басқаруындағы БЖЗК зейнетақы активтерінің кірісі өткен кезеңдермен салыстырғанда төмендеп, 6,55%-ды құрады.

Зейнетақы активтері кірісінің төмендеуіне БЖЗК жұмысының тиімсіздігі себеп болып отырғанын қоғам белсенділері де, депутаттар да айтты. Ал Ұлттық банк әлемдегі геосаяси және экономикалық жағдай қазақстандықтардың жинақ ақшасының табыстылығына айтарлықтай әсер еткенін мәлімдеген еді. 2022 жылдың басынан бері есептелген инвестициялық кіріс көлемі 914,1 млрд теңгені құрады.

Сондай-ақ, Бірыңғай жинақтаушы зейнетақы қорының инвестицияларына сенімсіздік білдіріп отырғандар да бар. Айталық, жақында «Даму» қорының кепілдігімен қазақстандықтардың жинақталған зейнетақы қаражатын шағын және орта бизнеске салуға рұқсат етілгені туралы ақпарат қоғамның қызу талқысына түсті. Бұдан сол ертерек, өткен айда Ұлттық банк зейнетақы қорынан «Бәйтерек» ұлттық холдингінің облигацияларына 500 миллиард теңгеге дейін инвестициялауға ниетті екенін хабарлаған болатын.

Жалпы зейнетақы қорларын түрлі коммерциялық жобалар мен кәсіпорындарға инвестициялау — әлемдік тәжірибеде бар қалыптасқан жағдай. Дегенмен, Қазақстанда мұндай бастамаларға сенімсіздік басым. Оған осы уақытқа дейін

БЖЗК-ның өте күмәнді ұйымдар мен жобалардың инвесторы болуы себеп.

Айталық, 2014 жылы БЖЗК Әзербайжанның Халықаралық банкіне 250 млн долларға жуық қаржы құйып, бұрыннан сенімсіз саналған банк үш жылдан кейін банкротқа ұшыраған еді. 2019 жылы қор өз қаражатын толығымен қайтарғанын хабарлады. 2017 жылдың қаңтарында қордың «Казинвестбанкте» 2,9 млрд теңге ұстағанын білген. Проблемалы болып саналған банк 2016 жылдың желтоқсанында лицензиясынан айырылған болатын. 2017 жылы Ұлттық банк тағы бір күмәнді құрылым — Delta Bank-тің лицензиясын тартып алды. Бұл іс бойынша жәбірленушілер «Даму» кәсіпкерлікті дамыту қоры» АҚ, «Бірыңғай жинақтаушы зейнетақы қоры» АҚ және «Эйр Астана» АҚ болды. БЖЗК-ға келтірілген шығын 7 млн теңге және 10 млн долларға бағаланды.

Сондықтан қазір кез келген мұндай бастамаларды қоғам үлкен алаңдаушылықпен және күмәнмен қабылдайтыны өздігінен түсінікті.

2-бет

КЕЗДЕСУ

СЕНІМДІ ӘРІПТЕСТІК

Сейсенбіде облыс әкімі Нұрлыбек Нәлібаев Қызылорда облысына арнайы келген Ресей Федерациясының Алматы қаласындағы Бас консулы Евгений Бобровпен кездесті деп хабарлайды облыс әкімінің баспасөз қызметі.

Басқосуда аймақ басшысы Қазақстан мен Ресей Федерациясын 30 жылдан астам уақыттан бергі стратегиялық серіктестік және ортақ тарихи оқиғалар байланыстыратынын атап өтті.

— Ұлы Отан соғысы жылдары жүздеген жерлестеріміз ерлік көрсеткені үшін түрлі дәрежедегі мемлекеттік наградалармен марапатталды. Осы орайда Ресей Үкіметіне жерлесіміз Қалмағанбет Оспановтың ерлігін ерекше бағалағаны үшін батырдың ұрпақтары мен барша аймақ тұрғындарының атынан зор алғыс айтамын. Қаншама жыл өткен соң қаһарманның наградалары, яғни III дәрежелі «Данк» ордені мен «Ерлігі үшін» медалі туған жеріне әкелініп, туыстарына салтанатты түрде табысталмақ. Осы сәтті пайдаланып, Ресей Федерациясының Қорғаныс және Сыртқы істер министрліктеріне, консулдық қызметкерлеріне екі ел арасындағы әріптестік пен сенімді қарым-қатынасты нығайту жолындағы еңбегі үшін ризашылығымды білдіремін, — деді облыс әкімі.

Өз кезегінде Бас консул өңір басшысына алғыс білдіріп, Ресей мен Қазақстанның өзара тиімді әріптестігін әрі қарай дамытуға мүдделі екенін жеткізді.

Айта кетейік, РФ Алматы қаласындағы Бас консулының Қызылорда облысына жұмыс сапары дүйсенбіде Байқоңыр қаласында басталды. Евгений Бобров жұлдызды қалашықта Байқоңыр қаласы әкімшілігінің басшысы Константин Бусыгинмен кездесіп, ондағы Ресей Федерациясының азаматтарын қабылдады.

Қызылордада Бас консул шіркеуге барды және «Достық үйінде» «Славяне» этномәдени бірлестігінің мүшелерімен кездесті. А.С.Пушкин атындағы қалалық кітапхана қорына әдеби кітаптар табысты.

Аймақ басшысымен кездесуден кейін Евгений Бобров облыс әкімінің орынбасары Нұрымбет Сақтағановпен бірге Ұлы Отан соғысының батыры Қалмағанбет Оспановтың туыстарына медальдар мен орден кітапшаларын салтанатты түрде тапсырды.

ҚАБЫЛДАУ

ОРЫНДЫ ҰСЫНЫС ЕСКЕРУСІЗ ҚАЛМАЙДЫ

Облыс әкімі Нұрлыбек Нәлібаев кезектілік тәртібімен жазылған азаматтарды жеке қабылдады. Осы жолы 11 адам жазылған, оның екеуі онлайн режимде мәселесін жеткізді деп хабарлайды облыс әкімінің баспасөз қызметі.

Қабылдауға келген тұрғындардың басым бөлігі қаржылай көмек көрсету, денсаулық сақтау, тұрғын үй, коммуналдық шаруашылық, инфрақұрылым жүргізу, кәсіпкерлікті қолдау мәселелерін көтерді. Аймақтағы елді мекендерге, көше, мектептерге өңір дамуына өз үлесін қосқан азаматтардың есімін беру жөнінде ұсыныс айтты.

Облыс әкімі ұсыныс-пікірлер алдағы уақытта зерттеліп, шешімі заң талаптарына сәйкес қарастырылатынын жеткізді. Атап айтқанда, 73 жастағы жалғызбасты қала тұрғыны өткен ғасырдың 60-шы жылдары салынған үйіне ауысу жүргізуге көмек сұрады. Аймақ басшысы қала әкімі Асылбек Шәменовке зейнеткердің үйіне барып, тұрмыстық жағдайымен танысуды, сосын нақты ұсыныс беруді тапсырды.

Қабылдауға келген тағы бір азамат «Енбек» саяжайына ауысу, табиғи газ және электр жарығын жүргізу мәселесін көтерді. Нұрлыбек Машбекұлы қала әкімі мен облыстық энергетика және тұрғын үй-коммуналдық шаруашылығы басқармасының басшысына саяжай аумағындағы инфрақұрылым түйткілдерін мұқият зерттеп, электр жарығын жүргізу жұмыстарын 10 наурызға дейін жүзеге асыруды міндеттеді. Осы уақытқа дейін облыс әкімі 27 жеке қабылдау өткізіп, 600-ге жуық тұрғынның өзекті мәселесіне ден қойды.

Айта кетейік, тұрғындар облыс әкімінің қабылдауына egov порталы, e-otinish бірыңғай базасы немесе әкімдікке келіп жазбаша өтініш тастау арқылы жазыла алады.

КӘСІП



БӨДЕНЕДЕ БЕРЕКЕ БАР

Мемлекет ұсынған тиімді бағдарламаны пайдаланып, шағын кәсібін ширатып жүргендер көпке ұлыты. Солардың бірі — жаңақорғандық Нұрайлым Жамалдин. Ол былтырдан бері құс өсіріп, өнімін аудан тұрғындарына ұсынып келеді.

Sp Ержан ҚОЖАС, «Сыр бойы»

— Өзім жұмыссыз болған соң үйде құр отырғым келмеді. Жолдасыммен ақылдасып, бизнес бастамақ болдым. Осылайша мемлекет ұсынған бағдарламаларды тиімді пайдаланып, құжаттарымызды дайындадық. Былтыр күзде 2021-2025 жылдарға арналған кәсіпкерлікті дамытудың ұлттық жобасы аясында қайтарымсыз грант ұттым.

нып, құжаттарымызды дайындадық. Былтыр күзде 2021-2025 жылдарға арналған кәсіпкерлікті дамытудың ұлттық жобасы аясында қайтарымсыз грант ұттым.

2-бет

